

წინამდებარე ხელშეკრულება დაიდო 2017 წლის 18 აპრილს, ერთი მხრივ სსიპ „საქართველოს კულტურული მემკვიდრეობის დაცვის ეროვნული სააგენტო“ (შემდგომში „შემსყიდველი“) წარმოდგენილი მისი გენერალური დირექტორის ნიკოლოზ ანთიძის სახით და მეორეს მხრივ, შპს „ქართული მემკვიდრეობა“ (შემდგომში „მიმწოდებელი“) წარმოდგენილი მისი დირექტორის ნიკოლოზ ვაჩიშვილის სახით, „სახელმწიფო შესყიდვების შესახებ“ საქართველოს კანონის და პრეტენდენტის სატენდერო წინადადების საფუძველზე.

შემსყიდველმა ჩაატარა ერთეულოვანი ელექტრონული ტენდერი (სატენდერო განცხადების ნომერი NAT170002614), ბოლნისის მუნიციპალიტეტი, სათხეს ეკლესიის რეაბილიტაციის (I ეტაპი) საპროექტო დოკუმენტაციის მომზადების მომსახურების შესყიდვაზე (CPV კოდი 71320000) რომელშიც გამარჯვებულად მიჩნეული იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება მიაწოდოს შემსყიდველს შესყიდვის ობიექტი შემდეგ თანხაზე: 30'000.00 (ოცდაათი ათასი) ლარი ყველა გადასახადის ჩათვლით დღგ-ს გარეშე (შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და უზრუნველყოფს მომსახურების გაწევას სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. შესყიდვის ობიექტი

2.1 შესყიდვის ობიექტია ბოლნისის მუნიციპალიტეტი, სათხეს ეკლესიის რეაბილიტაციის (I ეტაპი) საპროექტო დოკუმენტაციის მომზადების მომსახურება, რომელიც განისაზღვრება სატენდერო დოკუმენტაციის, კერძოდ ტექნიკური დავალების შესაბამისად, რომელიც შემდგომში თან დაერთვის ხელშეკრულებას და წარმოადგენს მის განუყოფელ ნაწილს.

3. ხელშეკრულების შესრულების კონტროლი

- 3.1 შემსყიდველს ან მის წარმომადგენლებს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული ინსპექტირება.
- 3.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.
- 3.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.
- 3.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.
- 3.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ სსიპ „საქართველოს კულტურული მემკვიდრეობის დაცვის ეროვნული სააგენტოს“ თანამშრომლები: გ.სოსანიძე, გ.ჭანუყვაძე.

4. მომსახურების გაწევის პირობები

- 4.1. საბოლოო პროდუქციის სახით წარმოდგენილი უნდა იყოს დამუშავებული დოკუმენტაცია ტექნიკური დავალების შესაბამისად, რომელიც თან დაერთვის ხელშეკრულებას და წარმოადგენს მის განუყოფელ ნაწილს.
- 4.2. საპროექტო დოკუმენტების მიწოდების ადგილია ქ. თბილისი, კრწანისის ქ. N58.
- 4.3. მომსახურების გაწევის ვადაა არაუგვიანეს 2017 წლის 31 ოქტომბრისა.

5. შესყიდვის ობიექტის მიღება-ჩაბარების წესი

- 5.1. გაწეული მომსახურების მიღება განხორციელდება მთლიანად ან ეტაპობრივად მომსახურების გაწევის შემდეგ, მხარეთა მიერ შედგენილი მიღება-ჩაბარების აქტის საფუძველზე (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირ(ებ)ს წარმოადგენენ წინამდებარე ხელშეკრულების პირობების 3.5 მუხლში მითითებული პირობები).

5.2. მიმწოდებელი ვალდებულია მომსახურების ვად(ებ)ის ამოწურვამდე 10 დღით ადრე წარმოადგინოს საპროექტო დოკუმენტაციის ელექტრონული ვერსია პირველადი ინსპექტირებისათვის, რომლის დადებითი შეფასების შემთხვევაში მიმწოდებელმა სატენდერო პირობებით გათვალისწინებულ ვადაში და შესაბამისი ფორმით უნდა წარმოადგინოს საპროექტო დოკუმენტაციის სრული პაკეტი.

5.3. შემსყიდველი ამოწმებს მიმწოდებლის მიერ დამუშავებულ და წარმოდგენილ საპროექტო დოკუმენტაციის სრულყოფილებას მიმწოდებლის მიერ შესაბამისი დოკუმენტების წარმოდგენის დღიდან 10 (ათი) სამუშაო დღის ვადაში.

5.3. თუ პროექტი არ შეესაბამება წინამდებარე ხელშეკრულების პირობებს, შესყიდველი დადგენილი წესის შესაბამისად მიმწოდებელთან ერთად ან მის გარეშე ადგენს აქტს.

5.4. შემსყიდველს უფლება აქვს ექსპერტიზის დასკვნის საფუძველზე დაუბრუნოს მიმწოდებელს ხარვეზიანი საპროექტო დოკუმენტაცია.

5.5. მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

6. ანგარიშსწორება

6.1 ანგარიშსწორება მოხდება ლარებში სსიპ „საქართველოს კულტურული მემკვიდრეობის დაცვის ეროვნული სააგენტოს“ ბიუჯეტის სახსრებით (პროგრამა).

6.2 გადახდის ფორმა – უნაღდო.

6.3 ანგარიშსწორება მოხდება მიღება-ჩაბარების აქტის გაფორმებისა და საქართველოს კანონმდებლობით გათვალისწინებული შესაბამისი საგადასახადო დოკუმენტაციის წარდგენიდან 30 (ოცდაათი) კალენდარული დღის ვადაში.

6.4 წინასწარი ანგარიშსწორების მექანიზმი არ გამოიყენება.

7. ფასები

7.1 მიმწოდებლის მიერ დაფიქსირებული გასაწევი მომსახურების ფასი წარმოადგენს ხელშეკრულების ღირებულებით პარამეტრებს.

7.2 ხელშეკრულების ღირებულებითი პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.

7.3 ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

7.4 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

7.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

8. მხარეთა უფლება-მოვალეობანი

8.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.

8.2 შემსყიდველი ვალდებულია:

8.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

8.2.2. ხელშეკრულებით გათვალისწინებული მომსახურების გაწევისას აცნობოს მიმწოდებელს ყველა განსაკუთრებული გარემოებების წარმოშობის შესახებ;

8.2.3. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს გაწეული მომსახურების ღირებულება.

8.3. შემსყიდველს უფლება აქვს:

8.3.1 განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;

8.3.2. განახორციელოს კონტროლი საპროექტო დოკუმენტაციის შედგენისას;

8.3.3. მიიღოს მიმწოდებლისგან სათანადო წესით გაფორმებული საპროექტო - დოკუმენტაცია.

8.3.4. საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება, თუ მიმწოდებლის მიერ წარმოდგენილი საკვალიფიკაციო მონაცემები ყალბი აღმოჩნდება;

8.4. მიმწოდებელი ვალდებულია:

8.4.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

8.4.2. დააკმაყოფილოს შემსყიდველის მოთხოვნა დამატებითი მონაცემების წარმოდგენის შესახებ კანონმდებლობით დადგენილი წესით;

8.4.3. საპროექტო დოკუმენტაციაზე რაიმე შენიშვნების აღმოჩენის შემთხვევაში შეტყობინების მიღებისთანავე აღმოფხვრას იგი, შემსყიდველის მხრიდან რაიმე დამატებითი დანახარჯების გაწევის გარეშე;

8.4.4. საპროექტო დოკუმენტაციის მიხედვით, სამშენებლო სამუშაოების განხორციელების დროს წარმოქმნილი დამატებითი სამუშაოების აუცილებლობის შემთხვევაში, შეიტანოს შესაბამისი კორექტირება საპროექტო დოკუმენტაციაში შემსყიდველის მხრიდან რაიმე დამატებითი დანახარჯების გაწევის გარეშე.

8.5 საპროექტო დოკუმენტაცია წარადგინოს 4 (ოთხ) ეგზემპლარად, აგრეთვე პროექტი ელექტრონული სახით ტექნიკური დავალებით განსაზღვრულ ფორმატში.

8.6. მიმწოდებელს უფლება აქვს:

8.6.1. მოსთხოვოს შემსყიდველს ხელშეკრულებით გათვალისწინებული პირობების შესაბამისად გაწეული მომსახურების ღირებულების ანაზღაურება.

9. ხელშეკრულებაში ცვლილებების შეტანა

9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. უფლებების გადაცემა

10.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

11. გარანტია

11.1. საპროექტო დოკუმენტაციის ხარისხი უნდა შეესაბამებოდეს სამშენებლო ნორმებითა და წესებით გათვალისწინებულ მოთხოვნებს, აგრეთვე ტექნიკურ დავალებაში მითითებულ მოთხოვნებს;

11.2. შემსყიდველი ვალდებულია დაუყოვნებლივ აცნობოს მიმწოდებელს ექსპერტიზის გავლის შედეგად საპროექტო დოკუმენტაციაში რაიმე წუნის (ხარვეზის) აღმოჩენის შესახებ.

11.3. შეტყობინების მიღების შემდეგ მიმწოდებელი ვალდებულია 5 სამუშაო დღის განმავლობაში საკუთარი ხარჯებით აღმოფხვრას საპროექტო დოკუმენტაციაში აღმოჩენილი წუნი (ხარვეზი).

11.4. ნებისმიერი პრობლემა, რომელიც წარმოიქმნება სამუშაოების პროცესში საპროექტო ორგანიზაციის არაკვალიფიციურად დასახული ამოცანის შედეგად და აღმოჩნდება, რომ ამის გამო სამუშაოების ღირებულება იზრდება, მიმწოდებელი (საპროექტო ორგანიზაცია) ვალდებულია აანაზღაუროს ასეთი გარემოებით გამოწვეული სამუშაოები.

12. ხელშეკრულების პირობების შეუსრულებლობა

12.1. ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის დამრღვევ მხარეს დაეკისრება პირგასამტეხლოს გადახდა, ყოველ ვადაგადაცილებულ დღეზე ხელშეკრულების ღირებულების 0.3%-ის ოდენობით.

12.2 ხელშეკრულების არაჯეროვნად შესრულებისას ინსპექტირების ჯგუფის მიერ წუნის (დეფექტების) აღმოჩენის შემთხვევაში საჯარიმო სანქციების ათვლა მოხდება შესაბამისი აქტის გაფორმების თარიღიდან.

12.3 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება.

12.4 საჯარიმო სანქციების გადახდა არ ათავისუფლებს მიმწოდებელს ნაკისრი ვალდებულებების შესრულებისგან.

13. ხელშეკრულების შეწყვეტა მისი პირობების შეუსრულებლობის გამო

13.1 მიმწოდებლის მიერ ხელშეკრულების პირობების შეუსრულებლობის შემთხვევაში შესყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

13.3 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

13.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

13.5 ამ მუხლის მე-4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

13.6 შემსყიდველი უფლებამოსილია მთლიანად ან ნაწილობრივ ცალმხრივად შეწყვიტოს ხელშეკრულება, თუკი მიმწოდებლის მხრიდან შესყიდვის ობიექტის მიწოდების ვადების დარღვევის პერიოდი აღემატება 15 კალენდარულ დღეს.

14. ფორს-მაჟორი

14.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

15. სადაო საკითხების გადაწყვეტა

15.1 შემსყიდველმა და მიმწოდებელმა ყველა დონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების პირობებში სხვა რამ არ არის გათვალისწინებული.

16. გამოყენებული სამართალი

16.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

17. შეტყობინება

17.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

17.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

18. ხელშეკრულების მოქმედების ვადა

19.1 წინამდებარე ხელშეკრულება ძალაშია მხარეთა მიერ ხელშეკრულების ხელის მოწერის დღიდან, 2017 წლის 31 დეკემბრის ჩათვლით.

19. სხვა პირობები

19.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

19.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

19.3 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

19.4 გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

19.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

20. მხარეთა რეკვიზიტები:

შემსყიდველი

სსიპ „საქართველოს კულტურული მემკვიდრეობის

დაცვის ეროვნული სააგენტო“

მის: ქ. თბილისი, თაბუკაშვილის #5

სახელმწიფო ხაზინა

კოდი: TRESGE22

ა/ა # GE24NB0330100200165022

ს/კოდი: 204562311

გენერალური დირექტორი

ნიკოლოზ ანთიძე



მიმწოდებელი

შპს „ქართული მემკვიდრეობა“

მის: ქ. თბილისი,

ტატიშვილის ქ. #17, ბ. 2

ს.ს. „თიბისი ზანკი“

კოდი: TBCBGE22

ა/ა # GE17TB 749433 60801000 02

ს/კოდი: 404472156

დირექტორი

ნიკოლოზ ვაჩიშვილი



ბოლნისის მუნიციპალიტეტი, სათხეს ეკლესიის რეაბილიტაციის (I ეტაპი) საპროექტო დოკუმენტაციის მომზადების ტექნიკური დავალება

პრეამბულა

სათხის ეკლესია მდებარეობს დაბა კაზრეთის სამხრეთით, 4-5 კმ-ში, ტყეში რთულად მისადგომ ადგილას. მე-10-მე-11 საუკუნეების მიჯნის დარბაზული ეკლესია, რომელიც მე-13 საუკუნეში გააფართოვეს ქართული ხუროთმოძღვრების მნიშვნელოვანი ძეგლია, ქვემო ქართლის სხვა ძეგლების მსგავსად მის კედლებში ჩატანებულია უფრო ადრინდელი, მე-6-7 საუკუნეების ქვა-ჯვრები და სტელები. ცნობილია მისი კანკელიც, რომელიც ექვთიმე თაყაიშვილმა გამოაქვეყნა და ამჟამად საქართველოს ხელოვნების მუზეუმშია დაცული. ძეგლი უმძიმეს მდგომარეობაშია-ჩანგრეულია კამარები და ძალზე ღირებული ქვები გარშემოა მიმოფანტული. იგი გადაუდებელ სარეაბილიტაციო სამუშაოებს საჭიროებს, რომელიც ძეგლის სირთულიდან - მისი სტრუქტურის, ქრონოლოგიური ფენების და ტიპოლოგიიდან გამომდინარე ჩამოყალიბებულ კონცეფციას მოითხოვს.

2016 წელს მომზადდა რეაბილიტაციის წინასაპროექტო დოკუმენტაცია, რომელიც გადაეცემა ტენდერში გამარჯვებულ პირს.

აღნიშნული ტექნიკური დავალების მიხედვით უნდა მომზადდეს პირველი ეტაპით გათვალისწინებული საპროექტო დოკუმენტაციის შედგენა.

მიზანი და ძირითადი პირობები

ძეგლზე ჩასატარებელი წინასაპროექტო სამუშაოები, აგრეთვე მეთოდოლოგია უნდა დაისახოს საქართველოს კანონის „კულტურული მემკვიდრეობის შესახებ“ მოთხოვნებისა და ძეგლთა დაცვითი საერთაშორისო გამოცდილების გათვალისწინებით.

კვლევითი და წინასაპროექტო დოკუმენტაცია უნდა დამუშავდეს საქართველოს კანონმდებლობისა და კანონქვემდებარე ნორმატიული დოკუმენტების მოთხოვნების გათვალისწინებით, თანამედროვე ტექნოლოგიების გამოყენებით.

გრაფიკული მასალა უნდა მომზადდეს ციფრულ (ერთერთი მოცემული ფორმატებიდან: ვექტორული DWG, DXF, PLN გაფართოების ფაილი - ArchiCad, Auto CAD) ფორმატში. 3D ფორმატის მასალა უნდა მომზადდეს, საჭიროების და ტექნიკური სპეციფიკის გათვალისწინებით შემდეგ ფორმატებში: Adobe Acrobat pdf 3D მოდელი, FBX - ვირტუალური ძრავის (Unreal Engine) მოდელი, OBJ - უნივერსალური 3D მოდელი.

საპროექტო დოკუმენტაციის შედგენა უნდა განხორციელდეს ორ ეტაპად

I ეტაპი:

- სათხის ეკლესიის საძირკვლის და მიმდებარე ტერიტორიის საინჟინრო-გეოლოგიური კვლევა. გრუნტის ლოკალური აგებულების და მზიდი თვისებების დადგენა. შესაძლო საშიში გეოლოგიური პროცესების იდენტიფიცირება. ტაძრის საძირკვლის მდგრადობაზე და საჭირო გამაგრებით ღონისძიებებზე რეკომენდაციების მომზადება.
- სათხის ეკლესიის კონსტრუქციული 3-განზომილებიანი მოდელის აგება, ძეგლის არსებული (დღევანდელი) მდგომარეობის გათვალისწინებით, რაც მოიცავს კედლების მდგომარეობის ენდოსკოპიურ და გეოფიზიკურ კვლევას (მყარი და დასუსტებული უბნები, სიცარიელები) და მიღებული მონაცემების ინტეგრირებას ერთიან 3D მოდელში.

I ეტაპზე ჩასატარებელი საპროექტო დოკუმენტაციის ვადაა არაუგვიანეს - 2017 წლის 31 აგვისტო

II ეტაპი:

- სათხის ეკლესიის კონსტრუქციული მდგომარეობის ზუსტ 3D მოდელზე ვიზუალიზაცია და ნგრევის სიმულირება ვირტუალური რეალობის ძრავში სხვადასხვა საანგარიშო დატვირთვისათვის, მახასიათებელი (დომინანტური) შესაძლო დაზიანებების გამოვლენა და კონცეპტუალური კონტრლონისძიებების შემუშავება - რეკომენდაციები ტაძრის გასამაგრებლად, რესტავრაციის მეთოდის გათვალისწინებით.
- სათხის ეკლესიის ჩამოცვენილი და 80-იან წლებში გადაღებული ქვების დიფერენცირება, აღწერა და მარკირება, ფოტოგრამმეტრიული მეთოდით სამშენებლო ლოდების ფიქსაცია და მოცულობითი 3განზომილებიანი მოდელების აგება. ტაძრის 3-განზომილებიანი მოდელის და ფოტო ტექსტურის დაზუსტება. ტაძრის გარშემო არსებული მარკირებული და ფიქსირებული ქვების 3D მოდელში ინტეგრაცია (რეკონსტრუქცია), სავარაუდო განლაგების ადგილების იდენტიფიცირება და რეკონსტრუირებული 3-განზომილებიანი მოდელის აგება, ნაკლული უბნების ჩვენებით.

II ეტაპზე სრული საპროექტო დოკუმენტაციის მიწოდების საბოლოო ვადაა 2017 წლის 31 ოქტომბერი.

* საპროექტო დოკუმენტაციის წარმოდგენის ფორმა:

საპროექტო დოკუმენტაცია წარმოდგენილი უნდა იყოს A-3 ფორმატის, ზამზარით აკინძული ალბომის სახით:

- სათაური;
 - სატიტულო ფურცელი, დამოწმებული ორგანიზაციის ბეჭდით, ხელმძღვანელისა და პროექტის ავტორ(ებ)ის ხელმოწერ(ებ)ით;
 - ალბომის შემადგენლობა;
 - პროექტის შემადგენლობა;
 - შესაბამისი ტექსტუალური ნაწილ(ებ)ი, დადასტურებული შემსრულებლ(ებ)ის/ავტორ(ებ)ის მიერ - A-4 ფორმატი;
 - გრაფიკული ნაწილ(ებ)ი, შტამპით და ჩარჩოთი - A-3 ფორმატი (გამონაკლის შემთხვევაში დასაშვებია განსხვავებული ფორმატის წარმოდგენა, ალბომში აკინძული A3 ფორმატის ზომაზე).
- ყველა ფურცელი უნდა იყოს დადასტურებული ხელმძღვანელის, პროექტის ავტორ(ებ)ის/შემსრულებლ(ებ)ის მიერ ხელმოწერებით.

ჩასატარებელი სამუშაოების ჩამონათვალი და ხარჯთაღრიცხვა წარმოდგენილი უნდა იყოს A-4 ფორმატის, ზამზარით აკინძული ალბომის სახით:

- თავფურცელი (სათაური);
- სატიტულო ფურცელი, დამოწმებული ორგანიზაციის ბეჭდით, ხელმძღვანელის და შემდგენელის ხელმოწერ(ებ)ით;
- განმარტებითი ბარათი;
- სამუშაოების ჩამონათვალი და ხარჯთაღრიცხვა დადასტურებული შემდგენელის ხელმოწერით;

შემსყიდველისათვის გადასაცემი საბოლოო პროდუქცია

საბოლოო პროდუქციის სახით წარმოდგენილი უნდა იყოს პირველ და მეორე ეტაპზე დამუშავებული საპროექტო დოკუმენტაცია:

- მყარი ასლები — ალბომი - 4 ეგზ;
 - ციფრული ფორმატი:
 - 2D ფორმატის ნახაზები (ვექტორული DWG, DXF, PLN გაფართოების ფაილი — ArchiCad, Auto CAD)
 - 3D ფორმატის მოდელები (Adobe Acrobat pdf 3D მოდელები, FBX - ვირტუალური ძრავის (unreal Engine) მოდელი, OBJ - უნივერსალური 3D მოდელის ფორმატში)
- ციფრული მასალა წარმოდგენილი უნდა იყოს კომპაქტური დისკების სახით (CD/DVD- 4 ეგზ).

საპროექტო დოკუმენტაციის მიწოდების საბოლოო ვადაა 2017 წლის 31 ოქტომბერი.

ბოლნისის მუნიციპალიტეტი, სათხეს ეკლესიის რეაბილიტაციის (I ეტაპი) საპროექტო დოკუმენტაციის მომზადების ხარჯდარიცხვა

№	სამუშაოების ჩამონათვალი	თანხა, ლარი
I ეტაპი		
1	სათხის ეკლესიის საძირკვლის და მიმდებარე ტერიტორიის საინჟინრო-გეოლოგიური კვლევა. გრუნტის ლოკალური აგებულების და მზიდი თვისებების დადგენა. შესაძლო საშიში გეოლოგიური პროცესების იდენტიფიცირება. ტაძრის საძირკვლის მდგრადობაზე და საჭირო გამაგრებით ღონისძიებებზე რეკომენდაციების მომზადება.	6203.7
2	სათხის ეკლესიის კონსტრუქციული 3-განზომილებიანი მოდელის აგება, ძეგლის არსებული (დღევანდელი) მდგომარეობის გათვალისწინებით, რაც მოიცავს კედლების მდგომარეობის ენდოსკოპიურ და გეოფიზიკურ კვლევას (მყარი და დასუსტებული უბნები, სიცარიელები) და მიღებული მონაცემების ინტეგრირებას ერთიან 3დ მოდელში.	7065
II ეტაპი		
1	სათხის ეკლესიის კონსტრუქციული მდგომარეობის ზუსტ 3 მოდელზე ვიზუალიზაცია და ნგრევის სიმულირება ვირტუალური რეალობის ძრავში სხვადასხვა საანგარიშო დატვირთვისათვის, მახასიათებელი (დომინანტური) შესაძლო დაზიანებების გამოვლენა და კონცეპტუალური კონტრლონისძიებების შემუშავება - რეკომენდაციები ტაძრის გასამაგრებლად, რესტავრაციის მეთოდის გათვალისწინებით.	5800
2	სათხის ეკლესიის ჩამოცვენილი და 80-იან წლებში გადაღებული ქვების დიფერენცირება, აღწერა და მარკირება, ფოტოგრამმეტრიული მეთოდით სამშენებლო ლოდების ფიქსაცია და მოცულობითი 3განზომილებიანი მოდელების აგება. ტაძრის 3-განზომილებიანი მოდელის და ფოტო ტექსტურის დაზუსტება. ტაძრის გარშემო არსებული მარკირებული და ფიქსირებული ქვების 3დ მოდელში ინტეგრაცია (რეკონსტრუქცია), სავარაუდო განლაგების ადგილების იდენტიფიცირება და რეკონსტრუირებული 3-განზომილებიანი მოდელის აგება, ნაკლული უბნების ჩვენებით.	6400
3	საპროექტო დოკუმენტაციის მომზადება	1500
	სულ:	26968.7
	ზედნადები ხარჯები 3%	809.1
	სულ:	27777.8
	მოგება 8%	2222.2
	სულ ჯამი:	30000.0



2.5.1 მოთხოვნა საქონლის მიწოდების/მომსახურების გაწევის/სამუშაოს შესრულების ვადებთან დაკავშირებით (გეგმა-გრაფიკი)

შესასრულებელი სამუშაოს კალენდარული გეგმა-გრაფიკი

#	სამუშაოს დასახელება	აპრილი	მაისი	ივნისი	ივლისი	აგვისტო	სექტემბერი	ოქტომბერი
ეტაპი 1 - სამუშაოების დასრულების თარიღი 31.08.2017								
1	სათხის ეკლესიის საძირკვლის და მიმდებარე ტერიტორიის საინჟინრო-გეოლოგიური კვლევა. გრუნტის ლოკალური აგებულების და მზიდი თვისებების დადგენა. შესაძლო საშიში გეოლოგიური პროცესების იდენტიფიცირება. ტაძრის საძირკველის მდგრადობაზე და საჭირო გამაგრებით ღონისძიებებზე რეკომენდაციების მომზადება.							
2	სათხის ეკლესიის კონსტრუქციული 3-განზომილებიანი მოდელის აგება, ძეგლის არსებული (დღევანდელი) მდგომარეობის გათვალისწინებით, რაც მოიცავს კედლების მდგომარეობის ენდოსკოპიურ და გეოფიზიკურ კვლევას (მყარი და დასუსტებული უბნები, სიცარიელები) და მიღებული მონაცემების ინტეგრირებას ერთიან 3D მოდელში.							
ეტაპი 2 - სამუშაოების დასრულების თარიღი 31.10.2017								
3	სათხის ეკლესიის კონსტრუქციული მდგომარეობის ზუსტ 3D მოდელზე ვიზუალიზაცია და ნგრევის სიმულირება ვირტუალური რეალობის მრავალ სხვადასხვა საანგარიშო დატვირთვისათვის, მახასიათებელი (დომინანტური) შესაძლო დაზიანებების გამოვლენა და კონცეპტუალური კონტროლისძიებების შემუშავება - რეკომენდაციები ტაძრის გასამაგრებლად, რესტავრაციის მეთოდის გათვალისწინებით.							
4	სათხის ეკლესიის ჩამოცვენილი და 80-იან წლებში გადაღებული ქვების დიფერენცირება, აღწერა და მარკირება, ფოტოგრამმეტრიული მეთოდით სამშენებლო ღოდების ფიქსაცია და მოცულობითი 3-განზომილებიანი მოდელების აგება. ტაძრის 3-განზომილებიანი მოდელის და ფოტო ტექსტურის დაზუსტება. ტაძრის გარშემო არსებული მარკირებული და ფიქსირებული ქვების 3D მოდელში ინტეგრაცია (რეკონსტრუქცია), სავარაუდო განლაგების ადგილების იდენტიფიცირება და რეკონსტრუქციული 3-განზომილებიანი მოდელის აგება, ნაკლული უბნების ჩვენებით.							
5	საპროექტო დოკუმენტაციის მომზადება							



შპს ქართული მემკვიდრეობა

ხელწერილი
ინტერესთა კონფლიქტის არარსებობის შესახებ

ქ. თბილისი

18 აპრილი, 2017 წელი

ხელშეკრულების შესრულების კონტროლზე უფლებამოსილი წევრი „გამარტივებული ელექტრონული ტენდერის და ელექტრონული ტენდერის ჩატარების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების მე-17 მუხლის შესაბამისად ვადასტურებ, რომ სსიპ „საქართველოს კულტურული მემკვიდრეობის დაცვის ეროვნული სააგენტო“-ს მიერ ბოლნისის მუნიციპალიტეტი, სათხეს ეკლესიის რეაბილიტაციის (I ეტაპი) საპროექტო დოკუმენტაციის მომზადების მომსახურების შესყიდვის პროცედურაში - ხელშეკრულება #3/146ტ 18.04.2017 წ. ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და შესყიდვაში მონაწილეობით ინტერესთა კონფლიქტში არ ვიმყოფებით.

ჯგუფის წევრი:

გ.ჭანუყვაძე

